

PƆLU KALATA'N M'Ɔ LILI MUA HELELI NWANLIN TIMOTE'N

M'Ɔ wƆ nun'n

Timote fi Likawonin mân nun kulo'n mƆ be fele yí Lisitili nun asu (Junman 14.6). Ene be fele mân so'n Tuluki mân. Timote así'n tí *Gelekí sɔanlan yê yí nin'n tí Zufɔ balasua. Pɔlv junman'n m'Ɔ lili ɔ bɔli Zozi anwɔn Ejɔlekpa'n Lisitili kulo nun asu'n, Timote non yí nin Eninsi non yí nin anin di Loyisi kɔ fa bé nwɔn kɔ man Zozi. Mɔ Pɔlv salí hɔli Lisitili elɔ'n, ɔ falí Timote bɔli yí nwɔn maan ɔ bɔkali yí be lili yé Mɔn junman'n (Junman 16.1-3).

Kalata ehi anun, ye nwun yí ke Pɔlv fi Efezi kulo'n m'Ɔ wɔ Azi mân nun asu, ɔ'a hɔ Masedwanun mân nun. Mɔ ɔ 'kɔ'n, ɔ kɔ yaci Timote Efezi ebefe ke ɔ tótua ato ngehelefe'n-mɔ atɔn (yí tí 1.3). Pɔlv heleli kalata so'n, ɔ wowulali Timote anwɔnsele ɔ non afutu kpa m'Ɔ tɔ de yí junman'n m'Ɔ di yí asɔnɔn nun anun'n.

Kalata nun ati 1, 4 non 6 nun anun, Pɔlv le kan bé mɔ be kekele ato ninngɛ be yaci ananhɔle nun anwɔn ejɔle. Ato ninngɛ so'n-mɔ tɔ de Nyanmian mala'n ɔ non Zozi anwɔn dedi'n. Kalata nun ati 2, Pɔlv le kan kele asɔnɔn mma'n-mɔ ke be yó mmɔtɔe, ese ɔ le kekele bé bé asɔnɔn eyɔle nun anwɔn ninngɛ. Kalata nun ati 3, ɔ le kan atɔn'n m'Ɔ se ke asɔnɔn mgbain'n-mɔ nanndi sɔ nun ejɔle. Kalata nun ati 4.7-6.21, Pɔlv le wowula Timote anwɔnsele ke ɔ lí junman'n ɔ héhele Nyanmian Anwan Ejɔle'n. Ɔ le

tu yí fɔɔ kɛ ɔ si yɔ nán ɔ'a nɛnian menian fâ fâ'n-mɔ mɔ bɛ wɔ asɔnɪn nɪn anun nɪn asɔ kɛ Zozi Kilisi akva kpa'n yɔ yí'n. Kalata nɪn agualɛ nun, Pɔlv ɛ wowula Timote anwɔnsɛɛ kɛ ɔ hɔn dedi nɪn ati kvan kpa'n.

¹ Timote,

Mɪn Pɔlv mɔ n dɪ Kilisi Zozi bɔfɔɛ'n, ɔ fi Nyanmɪan m'ɔ tɪ yɛ Ngɔvɛndefɔɛ'n, ɔ nɔn Zozi Kilisi m'ɔ tɪ yɛ susuguasɔ'n dunman nɪn, mɪn yê mɪn kɛɛ kalata ehi mɪn nwan wɔ ɔ. ² Wɔ dedi nɪn ati, mɪn bu wɔ kɛ mɪn kunnun baa kpa bɔkɔɔ. Mɪn 'bisa wɔ ahɪn mɪn yɔ wɔ ɛcian'n mɔ.

Nyanmɪan m'ɔ tɪ Siɛ'n, ɔ nɔn Zozi Kilisi m'ɔ tɪ yɛ Mɪn'n, bɛ nɔwɪn wɔ nɔwɔn anwunnvoe, bɛ yɔ wɔ ye, bɛ cíci wɔ lba.

Ato ngehelefɔɛ'n-mɔ

³ Ejɔɛ'n mɔ mɪn 'kɔ Masedɔvanɪn mɔn nɪn anun mɔ n ganlɪn n geleli wɔ'n, mɪn kacɪ wɔ biekun. N zeli wɔ kɛ ɛ tánlan Efɛzi kulo nɪn asɔ nán ɛ tótua ato ninngɛ'n mɔ menian'n mmie-mɔ ɛ kekele wɔ asɔnɪn nɪn anun'n. ⁴ Kan kele bé kɛ bɛ yáci ehɔa m'ɔ man sɔanlan minlin yí dedi m'ɔ le yí wɔ Kilisi nun'n, nɔn bé nannan-mɔ dunman nɪn anwɔn akpɔlvwa ndɪndɪn esue'n. ɔ man ngondin ba, ɔ man sɔanlan nnyan man dedi'n mɔ Nyanmɪan nanndɪ sɔ ɔ de yí'n. ⁵ Mɪn tu wɔ fɔɔ sɔ'n, yí dɪɛ, anɪn asɔnɪn mma'n-mɔ nyan ehulo wɔ bé afian, ehulo m'ɔ fi ahɔnɪn mɔ nun a tɪ, m'ɔ tɪ fufue, mɔ de Nyanmɪan di sakpa. ⁶ Menian'n mmie-mɔ fi abalabɔ atɪn kpa nɪn asɔ b'a jasɔ b'a fa bé nɔwɔn b'a wula ejɔɛ mgban-mgban'n-mɔ anun. ⁷ Bɛ kulo kɛ bɛ yɔ Nyanmɪan *mala'n ngehelefɔɛ, nan kusɔ ejɔɛ

mɔ bɛ muonun bɛ lɛ kan'n, bɛ ndi man yi bu, esɛ ninngɛ'n muonun mɔ bɛ jin sɔ cunnjin bɛ lɛ kele'n, bɛ ndi man yi bu.

⁸ Yɛ si kɛ Nyanmian mala'n ti kpa, sɛ sɔanlan di sɔ kpa a. ⁹ Afi yɛ si kɛ menian mɔ bɛ bɔ bala kpa'n, nán bɛ ti yê Nyanmian Kpili kpɛli mala'n toli ebɛlɛ ɔ. Nan menian mɔ bɛ bɔ bala etɛ'n, bɛ mɔ bɛ jasɔ Nyanmian akɔmun anun'n, bɛ mɔ bɛ ti akunnun ti etɛ'n, ɔ non etɛfɔvɛ'n-mɔ, bɛ mɔ bɛ nyin nzɔ Nyanmian mɔ bɛ nyin ci ninngɛ mɔ bɛ ti nwannzan-nwannzan'n, bɛ mɔ bɛ kun bɛ si non bɛ nin-mɔ, bɛ mɔ bɛ ti kodiawu bɛ di awue, ¹⁰ bɛ mɔ bɛ yɔ satilifɔvɛ ninngɛ'n, mmelenzua mɔ bɛ non bɛ manngɔn mmelenzua da anaan mmalasua mɔ bɛ non bɛ manngɔn mmalasua da'n, bɛ mɔ bɛ tɔnun menian maan bɛ kaci nganga'n, bɛ mɔ bɛ di ato, ɔ non bɛ mɔ bɛ kan ato ndâ, ɔ non bɛ mɔ bɛ yɔ etɛ ngacile ngacile dɔɔn biekun m'ɔ non ananhɔlɛ ngehele kpa'n ti man kɔn'n. Bɛ ti yê Nyanmian kpɛli mala'n toli ebɛlɛ ɔ. ¹¹ Ananhɔlɛ ngehele sɔ'n y'ɔ le m'ɔ wɔ Ejɔlekpa'n mɔ b'a fa b'a wula mɔn sa nun nin anun'n. Anunminnyanmɔn Ejɔlekpa sɔ'n fi Nyanmian m'ɔ ti nyila baka nin elɔ.

Pɔlv 'ba la Zozi Kilisi asi

¹² Yê Mɔn Zozi Kilisi mɔ ɔ'a wula mɔn anwɔnsele wɔ mɔn junman elie nin anun'n, mɔn 'da yi asi. Mɔn 'da yi asi kɛ ɔ'a bu mɔn sɔanlan ɔ'a fa yi junman'n ɔ'a wula mɔn sa nun. ¹³ Mɔn mɔ daba mɔn kan ejɔle etɛ mɔn tia yi, mɔ esɛ mɔn kele yi menian'n-mɔ yalɛ kpa'n, Zozi a nwun mɔn nwɔn anwunnvoe. Ɔ sanlin kɛ daba, anin mɔn nne man yi mɔn nni man, esɛ anin mɔn nzi man kɛ like etɛ yê anin mɔn yɔ ɔ. ¹⁴ Yê Mɔn a nwun mɔn nwɔn anwunnvoe kpili

sonman. Ɔ'a man mun non Zozi Kilisi y'a yo kun, mun de yi mun di, ese n ne yi nwon ehulo.

¹⁵ Ejole kun m'ɔ ti ananhole ejole m'ɔ se ke ye de ye di'n y'ɔ le ke Zozi Kilisi a a man nun anun ke ɔ 'ba le etefue'n-mɔ ati ngvan. Nan etefue'n-mɔ anun kpain'n y'ɔ le min Pɔlv. ¹⁶ Nan Nyanmian a nwun min nwon anwunnvoe. Afi min mɔ n di etefue'n-mɔ kwalaa anun kpain'n dunman nun, be mɔ be 'ba le Zozi Kilisi be di be nyan ngvan m'ɔ le man ayuelie'n, be 'ba nwun yi ke Zozi Kilisi si abutale kpa. ¹⁷ Belemgbin mɔ yi mele'n le man ayuelie, m'ɔ ti asi cian daa m'ɔ ti Nyanmian baa kunmgbaba cein mɔ be nnwun man yi'n, asasue non anunminnyanmun han yi dahuu! Amin!

Like mɔ Pɔlv nwan Timote yɔ'n

¹⁸ Min wa Timote, junman'n mɔ m'an hele wɔ ke e li'n y'ɔ le ke e totua ato ninng'e'n mɔ menian'n mmie-mɔ le kekele yi elɔ asonun nun anun'n. Junman sɔ'n tu de wɔ nwon ejole'n mɔ Nyanmian mgbɔmanfue'n-mɔ lili mɔba hanlin'n. Se e di ejole sɔ nun asu a, e 'ba huala kvan kpa'n kun, ¹⁹ e tila dedi'n mɔ e le yi nun anun, e nyan ajonlin kpa mɔ ahunnun nditie non man yi nwon'n. Nan menian'n mmie-mɔ a ndie man afotu sɔ'n, ɔ man b'a minlin be dedi'n. ²⁰ Menian sɔ'n mmie-mɔ y'ɔ le Imene non Alegizandili. M'an yi be m'an man Abɔnsanmun maan be nwun yi ke Nyanmian anwon ejole ete ehan'n ti man like kpa.

2

Be yɔ asonun be man menian'n-mɔ kwalaa

¹ Ehi, like mɔ mun seɛ ke be lí mva be yó'n y'ɔ le ke be bótu bé nwɔn be héle Nyanmian, be yó asɔnun, be séle Nyanmian be mán menian'n-mɔ kɔalaatin, ese be lá Nyanmian asi. ² Emɔ séle Nyanmian be mán mmelemgbin'n-mɔ, ɔ nun bé kɔalaa mɔ be le tunmin be sie mân'n. Yí die, anin ye tanlan wɔ anzɔnunjɔ nun, ye nyan yé nwɔn ye sɔ Nyanmian, ye bɔ bala m'ɔ sɔ yí nyin. ³ Like m'ɔ ti kpa mɔ Nyanmian m'ɔ ti yé Ngɔandefɔe'n kulo nun anin. ⁴ Afi ɔ kulo ke menian'n-mɔ kɔalaatin nwun ananhɔle atin'n be nyan bé ti. ⁵ Ɔ sanlin ke Nyanmian ti baa kɔnmgba cein. Sɔanlan kɔsɔ m'ɔ di kulo menian'n-mɔ nun Nyanmian asafian'n ti baa kɔnmgba cein. Sɔanlan sɔ'n y'ɔ le Kilisi Zozi m'ɔ kacili yí nwɔn kulo sɔanlan'n. ⁶ Yí muonun, ɔ'a fa yí nwɔn ɔ'a bɔ afɔlie ɔ'a yi tee ɔ'a tua kulo menian'n-mɔ kɔalaatin ete nin ati kale. Mɔ temɔn'n juli'n, Kilisi yɔli yí sɔ maan be nwunlin yí ke Nyanmian kulo ke kulo menian'n-mɔ kɔalaatin nyan bé ti. ⁷ Ehika ati, ɔ'a yi mín ke n gán yí Nɔan Ejɔle'n, ese n gáci yí bɔfɔe m mán bé mɔ be ti man Zufɔ'n nyán dedi ese be nwún ananhɔle nun anwɔn atin'n. Ananhɔle yê mun kan ɔ, mɔn nni man ato.

⁸ Yí ti, mɔn kulo ke lika kɔalaatin, mmelenzua'n-mɔ séle Nyanmian. Be 'sele a, be kúku bé sa'n-mɔ asɔ anwunno wɔ anwɔntie nun, be yí bé kunnun, nán be man akpɔlɔwa esue ba bé afian.

⁹ Eɛe mɔn kulo ke mmalasua'n-mɔ kɔsɔ wowula bé nwɔn ke ɔ se fata'n. Nán be wowula bé nwɔn be kele bé nwɔn, nan be wówula bé nwɔn ke ɔ se fata'n. Nán be nwan bé ti'n-mɔ ngacile ngacile, nán be sɔsa njɔaba'n-mɔ be sesie bé nwɔn, nán be kala etanlan mɔ yí gua yɔ si'n be kele bé nwɔn. ¹⁰ Nan be bó bala

kpa m'ò sɛ kɛ mmalasua mɔ bɛ lɛ sʊ Nyanmian'n bɔ'n.

¹¹ Ɔ sɛ kɛ mmalasua'n-mɔ bébéle bé nwɔn asɪ, bɛ tánlan koun, bɛ tíe ninngɛ'n mɔ mmelenzua'n-mɔ lɛ keke'n. ¹² Mɪn ngulo man kɛ balasua kekele ninngɛ anaan ɔ fʊ belenzua sʊ. Nan mɪn kulo kɛ ɔ sie yí nwɔn'n koun. ¹³ Ɔ sanlɪn kɛ Adamɔn yê Nyanmian lili mʊa ɔ bɔlɪ yí asannan nán ɔ'a bɔ ɛvʊ kʊsʊ ɔ. ¹⁴ Nán Adamɔn yê bɛ lakalɪ yí ɔ. Nan balasua'n yê bɛ lakalɪ yí mɔ yí nyɪn a nzɔ man Nyanmian ɔ. ¹⁵ Nan kʊsʊ, yí biala, kɛmɔ balasua'n tɪ ɛta'n, sɛ ɔ bɔ mɔndɪnlɪn ɔ tila yí dedi nɪn anun, ɔ kulo Nyanmian ɔ tanlan wɔ anwɔntɪɛ nun nán ɔ'a ngele man yí nwɔn an, ɔ 'nyan yí ti.

3

Asɔnɪn nɪn asʊ mgbain'n-mɔ

¹ Ɛjɔlɛ ɛhɪ mɔ mɪn kan'n tɪ ananhɔlɛ: sɛ sʊanlan kʊn kulo kɛ ɔ di asɔnɪn nɪn asʊ kpain an, anɪn like kpa yê ɔ'a kpɔnndɛ ɔ. ² Nan kʊsʊ sʊanlan mɔ ɔ 'di asɔnɪn nɪn ati'n, ɔ di kɛ ɔ yó sʊanlan mɔ bɛ nnyan man yí nwɔn ɛjɔlɛ ɛtɛ fíi bɛ ngan man. Ɔ ja balasua kʊnmgbɔ cein. Ɔ sɪ yí nwɔn sisa. Ɔ 'yɔ like a, ɔ jɔnlɪn yí nwɔn kpa. Ɔ bɔ abalabɔ m'ò fata, ɔ man menian'n-mɔ anyɪn sɔ yí. Sɛ sʊanlan ba tʊ yí a, ɔ sɔ yí nun kanlanman. Ɔ tɪ sʊanlan m'ò kʊala like keke. ³ N'ò yɔ kɔnɔnmɪnnzan, ɛsɛ n'ò yɔ sʊanlan kpukpo-kpukpo. Ɔ tɪ sʊanlan mɔ yí ahɔnlɪn la asɪ m'ò mgbɔndɛ man butule. N'ò yɔ sʊanlan mɔ yí nyɪn bʊlʊ esika. ⁴ Ɔ yó sʊanlan mɔ yí muonun ɔ kʊala yí awulo nɪn asʊ nɪan, mɔ yí mma'n-mɔ anyɪn sɔ yí kpa. ⁵ Ɔ sanlɪn kɛ sʊanlan mɔ yí muonun ɔ ngʊala man yí awulo nɪn asʊ nɪan'n, ɔ 'yɔ sɛ nán

ɔ'a hɔala ɔ'a nɪan Nyanmɪan Kpili asɔnɪn mma'n-mɔ asɔ? ⁶ Nán man ɔ yɔ sɔanlan mɔ beɛ mɔ ɔ'a fa yí nwɔn ɔ'a man Nyanmɪan. Afɪ ɔ kɔala kɛ ɔ tu yí nwɔn kɛ Abɔnsanmɔn yɔli yí mɔ yí ti yê Nyanmɪan 'ba bua yí ndɛɛ'n. ⁷ Ɔ fata kɛ ɔ yɔ sɔanlan mɔ bé mɔ be nzi Nyanmɪan'n de yí di, nán b'a ngɔlɔ man yí nwɔn, nán Abɔnsanmɔn kɔsɔ asa a ngan man yí.

Asɔnɪn nɪn asɔ bɔkafɔɛ'n-mɔ

⁸ Asɔnɪn nɪn asɔ bɔkafɔɛ'n-mɔ kɔsɔ, ɔ fata kɛ be yɔ menian mɔ be fɛli bé, mɔ be di ananhɔle. Nán be yɔ kɔnɔnmɪnnzan, nán be yɔ menian mɔ bé nyɪn bɔlɔ esika. ⁹ Ɔ fata kɛ be nyan ajɔnlɪn kpa nán b'a tila bé dedi'n m'ɔ ti nɔɪalɛ nɪn like nɪn anɪn kpa. ¹⁰ Menian sɔ'n-mɔ, be sá bé nɪan kɔalaaka, nán se emɔ a ndɪ man bé nwɔn ejɔle ete fíí a, beɛ mɔ anɪn be le ba li junman sɔ nɪn ɔ.

¹¹ Ɔ se kɛ bé yi-mɔ kɔsɔ yɔ mmalasua mɔ be fɛli bé. Nán be yɔ mmalasua mɔ be kan menian anwɔn ejɔle ete be seɔi bé dunman. Be lé bé nwɔn be lí. Be lí ananhɔle wɔ ninngɛ kɔalaa anɪn.

¹² Ɔ se kɛ asɔnɪn nɪn asɔ bɔkafɔɛ'n-mɔ já balasua kɔnmgbɔ cein, ese be hɔala be nɪan bé mma'n-mɔ nɔn bé awulo nɪn asɔ kpa. ¹³ Afɪ bé mɔ be di bé junman'n kpa'n, menian'n-mɔ anyɪn sɔ bé, ese bé dedi'n mɔ be le yí wɔ Zozi Kilisi anɪn'n, ɔ jinlan yí ja nɪn kpa.

Nyanmɪan nɔɪalɛ nɪn like kpili kpa'n

¹⁴ Timote, mɪn kɛɛ wɔ kalata ehi, n ne anyɪndasɔɛ kɛ ɔ ngɔ hyɛ man fíí mɪn 'ba a wɔ nwɔn elɔ. ¹⁵ Nan kɔsɔ se mɪn ce nán m malɪ man an, kalata ehi 'ba hele wɔ bala m'ɔ se kɛ Nyanmɪan awulo amma'n-mɔ bɔ'n. Nyanmɪan awulo amma sɔ'n-mɔ

y'ò le Tiasifòe Nyanmian asònun mma'n-mò. Asònun mma sò'n-mò ti ke sua mpila, be suan ananhòle'n. ¹⁶ Yé kwalaa ye nwun yí yuein, Nyanmian a yi nviàliε nun like kpili kpa ò'a hele yé. Like sò'n y'ò le Zozi.

Ɔ'a kaci yí nwòbò kulo sòbanlan.

Nyanmian Wawε nun a hele ke

ò ti Nyanmian Awa sεsεfòe.

Nyanmian mmòfòe'n-mò a nwun yí.

Yí nwòbò εjòle'n, b'a bò

b'a hele mân nun anun menian'n-mò.

Mân nun anun menian'n-mò a le yí a li.

Ɔ'a fò ò'a hò nyanmiansò

wò anunminnyanmòbò nun.

4

Ato ngehelefòe'n-mò

¹ Nyanmian Wawε'n kan yí yuein ke mèle kashian nun anun, menian mmie-mò mma nne man Kilisi be nni man kún. Nan be 'fa bé nwòbò be bò ato ngehelefòe'n-mò, εεε be 'di wawε εte'n-mò ngehele diε'n-mò asò. ² Be 'man apoo mma atofòe'n-mò kolo bé nvan nun be laka bé. Atófòe sò'n-mò, be le man ajònlìn kún. Bé ajònlìn'n ngan man εjòle ngele man bé kún. ³ Be 'kekele ke ajaa'n ti man like kpa, εεε like mò be di'n, bie ti man kpa mò be di ò. Nan kòsò Nyanmian bòli ninngε sò'n-mò ke menian mò be de Kilisi be di mò b'a nwun ananhòle'n, be yó asònun, be lá Nyanmian asì, nán be lí ninngε sò'n-mò. ⁴ Ninngε'n mò Nyanmian Kpili bòli'n, yí kwalaa ti kpa, baa kòbò nnòbò man nun m'ò ti man kpa ò. Yí ti ò sε ke ye da Nyanmian asì nán ye sò yí kwalaa anun. ⁵ Ɔ sanlìn ke Nyanmian Anvan εjòle'n nòbò

asɔnɔn ɛjɔlɛ'n, ɔ man ninngɛ kwalaa anwɔn tɪ wɔ Nyanmian anyunnun.

Zozi Kilisi akva kpa'n

⁶ Sɛ ɛ kekele anianman'n-mɔ ninngɛ ɛhɪ-mɔ a, ɛ 'ba kaci Zozi Kilisi akva kpa. Dedi nun anwɔn ngehele kpa'n mɔ ɛ nanndɪ sɔ'n y'ɔ tɪ wɔ ɛkala nun alɛ ɔ. ⁷ Ɛhɔa ɛjɔlɛ mgban-mgban'n m'ɔ nun dedi'n tɪ man kɔn'n, yaci gua. Nan bɔ mɔndɪnlɪn fa wɔ nwɔn bɔ Nyanmian kpa. ⁸ Anwɔnnaan nun anun ekpunndian'n tɪ like kpa, nan kɔsɔ ɔ tɪ man cɪnnjɪn. Nan like mɔ bɛ yɔ a, Nyanmian kulo'n, ɔ tɪ kpa wɔ like biala anun. Ɔ sanlɪn kɛ sɛ yɛ bɔ bala sɔ nun an, anɪn yɛ sɪ kɛ yɛ le ngɔan m'ɔ le man ayuelɛ wɔ mɛlɛ ɛhɪ anun, ɔ nɔn mɛlɛ'n m'ɔ lɛ ba nun anun.

⁹ Ɛjɔlɛ ɛhɪ tɪ ananhɔlɛ m'ɔ sɛ kɛ sɔanlan de di ɔ. ¹⁰ Yɪ sɔ ati yê yɛ lɛ di junman ɛsɛ yɛ lɛ kpɪlɪ ɔ. Ɔ sanlɪn kɛ y'a fa yé anyɪndasɔɛ'n kwalaa y'a wula Tɪasɪfɔɛ Nyanmian'n m'ɔ tɪ menian'n-mɔ kwalaa Ngɔandefɔɛ nun anun. Nan kɔsɔ, menian mɔ bɛ de yɪ bɛ di'n, bé ala yê ɔ de bé ɔ.

¹¹ Kekele ninngɛ sɔ'n-mɔ nán kan fua sɔ kpa maan bɛ yɔ. ¹² Ɛ tɪ batɔnman, kɔsɔ n'ɛ man sɔanlan fɪɪ tɔtɔ wɔ nyunnun ngɛsɛlɛ. Nan wɔ ɛjɔjɔlɛ nun o, wɔ abalabɔ nun o, wɔ ehulo mɔ ɛ fa kulo menian'n-mɔ o, wɔ dedi nun o, wɔ anwɔntɛ nun o, man menian mɔ bɛ le dedi'n, bɛ nɪán wɔ dɛ nun asɔ bɛ yɔ bie. ¹³ Kɪnnga Ɛhɛlɛ Ɛjɔlɛ'n bagua nun, kan Nyanmian Anɔan Ɛjɔlɛ'n wowula asɔnɔn mma'n-mɔ anwɔnsɛlɛ, ɛsɛ kekele bé ninngɛ dede maan m mála. ¹⁴ Mɛlɛ mɔ Nyanmian mgbɔmanfɔɛ'n-mɔ hanlɪn wɔ nwɔn ɛjɔlɛ, mɔ asɔnɔn mgbain'n-mɔ falɪ bé sa fualɪ wɔ nwɔn'n, wawɛ nun junman'n mɔ

Nyanmian falɩ manlɩn wó'n, n'ε bubu wó nyɩn gua su. ¹⁵ Tɩ wó nyɩn di junman sɔ'n maan bé kwalaa be nwún yí ke ε le bɔ mɔndɩnlɩn. ¹⁶ Sie wó muonun wó nwɔn ye, εse nɩan wó ninng'e'n mɔ ε kekele'n kusɔ asɔ, nán mian wó bu. Ɔ sanlɩn ke, se ε yɔ yí sɔ a, wó muonun ε 'nyan wó ti, εse bé mɔ be tie wó'n kusɔ 'nyan bé ti.

5

Pɔlv 'ba tu Timote fɔɔ

¹ N'ε fa ahɔnlɩn kpili kan εjɔle kele sɔanlan kpain. Nan se ε 'kan εjɔle ε kele yí ε tu yí fɔɔ a, bu yí ke yí y'ɔ wɔli wó ɔ. Bu mgbafele'n-mɔ ke wó nianman mmelenzua y'ɔ le bé. ² Bu mmalasua mgbain'n-mɔ ke wó nin y'ɔ le bé. Bu ndalua'n-mɔ kusɔ ke wó nianman mmalasua y'ɔ le bé. Se ε 'kan εjɔle ε kele bé ε tu bé fɔɔ a, kan wɔ anwɔntiε nun kpa bɔkɔɔ.

Kunlannvɛ'n-mɔ

³ Kunlannvɛ mmalasua'n-mɔ mɔ be le man sɔanlan fíí m'ɔ bɔka bé'n, nɩan bé lika wɔ anyɩnzɔ nun kpa. ⁴ Nan se kunlannvɛ balasua kɔn le yí mma-mɔ a, anaan yí nnɔnman-mɔ a, kekele bé ke bé Nyanmian junman'n m'ɔ fata ke be di mɔa be di'n y'ɔ le ke be nɩan bé nwɔn amma'n-mɔ. Be yó yí sɔ be síe mɔ bé nwɔn amma'n-mɔ yɔli manlɩn bé nun abɔsɔ. Yí sɔ yê Nyanmian Kpili kulo ɔ. ⁵ Balasua m'ɔ ti kunlannvɛ sakpa, m'ɔ le man sɔanlan fíí m'ɔ nɩan yí'n, yí diε, ɔ fa yí lɔa'n kwalaa ɔ wula Nyanmian Kpili asa nun. Ɔ bɔ mɔndɩnlɩn ɔ sele yí kɔngɔε nɔn eyua ke ɔ nɩan yí su. ⁶ Nan kunlannvɛ m'ɔ le di mân'n, se yí nyɩn wɔ sɔ bɔbɔ a, anɩn ɔ ti ke ɔ'a wu. ⁷ Kan εjɔle sɔ'n kele bé, nán sɔanlan fíí a nnyan

man bé nwɔn ejɔle ete a ngan man. ⁸ Afi se sɔanlan kɔn nnɔan man yí nwɔn amma'n-mɔ, cilili yí ata diɛ nɔn anun menian'n-mɔ a, anɔn ɔ ti ke ɔ'a yaci yí dedi'n ɔ'a tɔ. Sɔanlan m'ɔ nzi man Nyanmɔian'n tɔ kpa tala yí.

⁹ Kunlannvɔe balasua mɔ ε 'ka yí wula kunlannvɔe'n-mɔ anun'n, man ɔ yɔ balasua mɔ ɔ'a li afɔe abulasian, m'ɔ jalɔ belenzua kɔnmɔgba cein. ¹⁰ Eɛe ɔ yɔ balasua mɔ menian'n-mɔ bɔ yí dunman kpa, mɔ ɔ'a ta yí mma'n-mɔ kpa, mɔ eyefɔe tɔ yí a, ɔ sike yí kanlanman, ɔ nwunnzin Nyanmɔian menian'n-mɔ aja nɔn anwɔn, ɔ buka alɔabɔfɔe'n-mɔ, mɔ eɛe ɔ yɔ nyɔle ngacile kpa'n kɔalaatin'n.

Kunlannvɔe ndalua'n-mɔ

¹¹ Nan kunlannvɔe ndalua'n-mɔ, n'ε ka bé wula nun. ɔ sanlɔn ke se bian ajaa ejɔle tɔ bé ti anun an, anɔn b'a kaci bé nzin b'a si Kilisi. ¹² B'a tɔn ndâ'n mɔ be lili mɔa be hanlɔn wɔ Kilisi anyunnun'n. ¹³ Se bɔbɔ ε keɛe bé dunman an, be nyɔ man like kpa fíí, nan be cinnin awulo'n-mɔ anun. M'ɔ ti yale biekun'n y'ɔ le ke adawu mgbili ebɔ nɔn cenjin yê be di ɔ. Ejɔle m'ɔ nvata man mɔ be kan'n yê be kan ɔ. ¹⁴ Ehika ati, mɔn kulo ke kunlannvɔe ndalua'n-mɔ já mmian, be wó mma, be nían bé awulo'n-mɔ asɔ, nán bé mɔ be kpɔ yé nɔn a nnyan man yé nwɔn ejɔle ete a ngan man. ¹⁵ Mɔn kan sɔ, ɔ sanlɔn ke bé mmie-mɔ fi ananhɔle atɔn nɔn asɔ b'a jasɔ dada angɔnmɔn b'a fa Abɔnsanmɔn diɛ nɔn asɔ. ¹⁶ Se balasua kɔn le dedi nán kunlannvɔe mmalasua-mɔ gua yí sa sɔ a, ɔ nían bé. N'ɔ yaci bé tɔ asɔnɔn nɔn asa sɔ, nán asɔnɔn nɔn a hɔala ɔ'a nɔn kunlannvɔe mmalasua'n-mɔ mɔ sakpa be le man sɔanlan fíí m'ɔ nɔn bé'n.

Asɔnɔn nɔn asɔ mgbain'n-mɔ

¹⁷ Asɔnɔn nɔn asɔ mgbain'n-mɔ mɔ bɛ nɔan asɔnɔn nɔn asɔ kpa'n, ɔ fata kɛ bɛ man bɛ anyɔnnzɔ nɔn ahatua kpa, nán yí lɪlɪ bɛ mɔ bɛ kan Nyanmɪan Anɔan Ejɔlɛ'n, mɔ ɛsɛ bɛ kekele ninngɛ'n. ¹⁸ M'ɔ man mɔn kan sɔ'n y'ɔ le kɛ, b'a hɛlɛ wɔ Ehɛlɛ Ejɔlɛ nɔn anun kɛ: *Enalɛ'n m'ɔ lɛ tetia *bele nɔn asɔ'n, n'ɛ cɪcɪ yí nwan'n.* ɛsɛ b'a hɛlɛ yí biekun kɛ: *Sɔanlan m'ɔ lɛ di junman'n, yí ahatua m'ɔ fata'n, bɛ fá bɛ mán yí.* ¹⁹ Asɔnɔn nɔn asɔ kpain kɔn mɔ bɛ kɔ tɔn yí ɛsɔan'n, sɛ menian nnyuan anaan nsan a nni man yí nɔwɔn adanzɪɛ a, n'ɛ de tɔ nun. ²⁰ Bɛ mɔ bɛ kɔ yɔ like ɛtɛ'n, tu bɛ nyunnun bagua nun maan ɛhɪnlɪn-mɔ súlo nán bɛ kɔsɔ b'a nyɔ man ɛtɛ sɔ'n bie.

²¹ Nyanmɪan Kpili anyunnun, Kilisi Zozi nɔn nyanmɪansɔ mmɔfɔvɛ'n-mɔ kɔsɔ anyunnun, mɔn kan ndâ kɛ ɛ lí ngehele sɔ-mɔ asɔ. Yí ti, n'ɛ nɔan sɔanlan anyunnun wɔ like biala anun, n'ɛ kulo menian'n-mɔ bie ɛ yaci bie.

²² N'ɛ ku fa wɔ sa sie sɔanlan ati asɔ, ɛ fa asɔnɔn'n junman wula yí sa nun, ɔ sanlɪn kɛ sɛ ɔ'a yɔ ɛtɛ a, yí ɛtɛ sɔ'n 'kan wɔ bie. Wɔ muonun, nɔan wɔ nɔwɔn kpa, man wɔ nɔwɔn tí. ²³ Kemɔ wɔ kɔ'n juji wɔ m'ɔ man ɛ njɛ man nán a fɔkɛ'n, n'ɛ nɔn nzue ngɔnmɔn ala, nan nɔn divɪn nganngan. ²⁴ Menian'n mmie-mɔ ɛtɛ mɔ bɛ kɔ yɔ'n, bɛ di mɔa bɛ nwun yí yuein kɔalaaka nán b'a bua bɛ ndɛɛ'n. Nan mmie-mɔ kɔsɔ diɛ'n, bɛ di mɔa bɛ bua bɛ ndɛɛ kɔalaaka nán b'a nwun yí kɛ b'a yɔ ɛtɛ. ²⁵ Yí sɔ kɔsɔ ala, nyɔlɪɛ kpa mɔ sɔanlan kɔ yɔ'n, bɛ nwun yí yuein, yê nunhan kɔsɔ mɔ bɛ ngɔala bɛ nnwun man yí ɛbelɛ ala'n, ɔ nɔvia man lé.

6

Nganga'n-mo

¹ Bé kwalaa mo be ti nganga'n, be man bé nyin só bé min-mo kpa, nán menian'n-mo a nze ci man Nyanmian dunman, ese b'a ngan man yé ngehele nin nwon ejole ete. ² Nganga mo bé min-mo de Kilisi di'n, nán be tua ke bé nianman y'ò le bé nin ati, be fa bé nyin be wowula bé nyunnun. Nan o se ke be su bé kanlanman kpa. O sanlin ke be di bé junman'n be man bé mo b'a le yé Min b'a li mo be kulo bé'n nyan su nvasue. Kekele ninngé so'n maan be yó.

Ato ngehele'n non anyanbenwon kpa'n

³ Se swanlan bie kekele ninngé ngacile ngacile, nán o nni man yé Min Zozi Kilisi anwontie ejole'n-mo asu o non ngehele'n m'ò man be bo abalabo m'ò so Nyanmian anyin nin an, ⁴ anin swanlan so'n ti atubenwon swanlan. O nzi man like fií. Yí like m'ò la yí nwon ke anwonnyale'n y'ò le ninngé'n-mo anwon akpolowa esue non etian'n. Ke o yo mo menian'n-mo fa bé nwon ekpo be di butule, be kpe nzuba, be kan bé nwon ejole ete, ⁵ be su akpolowa ndinndin bé afian nin anin. Afi bé ajonlin nin a yo mgban-mgban, be nzi man ananhòle nin anwon ejole fií kón. Be jonlin ke Nyanmian anwon dedi'n mo ye le yí'n, o ti like mo be fa be kpònde anyanbenwon.

⁶ O ti ananhòle, Nyanmian anwon dedi'n mo ye le yí'n, o ti anyanbenwon like kpili kpa man swanlan mo yí nyin so yí die kaan m'ò le yí'n. ⁷ O sanlin ke mo ye 'ba mân ehi anun'n, ye non like fií a mma man, yê se ye 'sa ye kò a, ye ngwala man bie non kò. ⁸ Ehika ati, se ye nyan alie ye di, ye nyan taladie ye

wula a, ehi ala sa ye. ⁹ Nan menian ma be kulo ke be nyan be nwon'n, menian so'n-ma, be to sanian nin anun ke ngaa. Ninngge mgban-mgban m'o man menian seci bok-bok, ese be busu bo'n ye be kulo o. ¹⁰ Afi ete ngacile'n kwalaa fi esika anyinbulu'n. Menian mmie-ma anyin a bulu esika'n dede b'a yaci be dedi'n b'a tu ma, b'a fa be nwon b'a wula emian ngacile don anun.

Pala 'ba tu Timote fo

¹¹ Nan wo die, e ti Nyanmian sanlan, n'e yo ninngge so'n-ma bie. Yo nyolie kpa. Fa wo nwon bo Nyanmian sele kpa, nyan dedi, nyan ehulo, si abutale, yo betee. ¹² Bo mandulin kpa, man wo asitanlan'n non wo dedi'n yo kon. Kpundee ngban m'o le man ayuelu'n ma Nyanmian a fele wo ke e nyan yin. O sanlan ke yi ti ye e lili wo dedi nin anwon adanzie kanlanman wo menian don anyunnun o. ¹³ Nyanmian Kpili m'o man ninngge kwalaa ngban nin anyunnun, o non Kilisi Zozi m'o lili yi dedi nin anwon adanzie kanlanman wo Pusu Pilati anyunnun'n kusu anyunnun, min kan nda ke ¹⁴ e li ejole'n ma m'an hele wo nin asu, ese e sie wo nwon konlon-ngonlon nan b'a nnyan man wo nwon ejole ete b'a ngan man. Yo yi so dede m'o ju cian ma ye Min Zozi Kilisi 'yi yi nwon kele'n. ¹⁵ Cian'n ma ye Min Zozi 'yi yi nwon kele'n, Nyanmian ye o 'kele o. Nyanmian so'n, yi ngonmin cein yo ti Belemgbin o, o ti salie baka, o ti mmelemgbin'n-ma Belemgbin, o ti minlan'n-ma Amin. ¹⁶ Yi konmga cein ala ye yi die o nwu man le o. Jawe'n m'o ti nun'n, sanlan fu nguala man yi nwon kpunngge. Sanlan fu nwunlin man yi le, ye sanlan fu nguala

man yí nwòṅ kpunṅe. Kulo sòanlan fíí nwunlin man yí lé, yê kulo sòanlan fíí ngwala man ke ɔ nwun yí. Asasue non tunmin yó yí die cian daa! Amin!

¹⁷ Bé mɔ b'a nyan mân ehi anun ninṅe'n, tu bé fuɔ ke nán be fa be tu bé nwòṅ. Se bé ke nán be fa bé anyindasue'n be tu anwòndie'n m'ò nje man nán ɔ'a seci nin asu. Nan be fá bé anyindasue'n be tú Nyanmian Kpili asu. Yí mɔ se ɔ 'fa like man yé a, ɔ man yé dòun kpa maan ye di nun fe'n. ¹⁸ Tu bé fuɔ ke be yó nyòle kpa, be mán ye eyòle'n tí bé kpa, be yó ahunnunye, ese be búka ehinlin-mɔ. ¹⁹ Se be yò yí sò a, ɔ ti ke anwòndie m'ò ti kpa, ese ɔ nzeci man yê be le kokuan be sie be man bé nwòṅ wò mele'n m'ò le ba nin anun ɔ, nán b'a hɔala b'a nyan ananhòle ngwan kpa'n bé asitanlan nin anun.

²⁰ Timote, like'n mɔ Nyanmian a fa a wula wó sa nun'n, nian sù kpa. Ejòle mgban-mgban'n m'ò non dedi'n ti man kún'n, n'è tie bie, ese bé ninṅe'n mɔ bé nwan be sù yí nan kusu ɔ ti ato mɔ be le kele'n, n'è suan bie. ²¹ Like ati m'ò man mun kan sò'n, y'ò le ke menian mmie-mɔ bu bé nwòṅ ke be sù ananhòle ngehele'n kpa, be nne man ananhòle ngehele kpa'n mɔ ye kekele'n be nni man. ɔ man be fi dedi atin nin asu b'a jasù.

Nyanmian nwún emò anwòṅ anwunnvoe.

Nyɥhyɛ Fɔfɔlɛ'n
Anyin: Nyɥhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88